

如葉劉贏黎智英考慮移民

【本報訊】「人心變咗，冇問題。但如果連是非都變埋，香港幾悲哀。」壹傳媒主席黎智英形容，明日的立法會港島區補選是一場「是非之戰」，呼籲香港人應該憑良知投票給前任政務司司長陳方安生，「如果葉劉贏咗，香港真係好恐怖，我可能會移民台灣。」

黎智英昨日接受商台節目《左右大局》直播訪問時說，港人應該反思03年7.1當日是因甚麼而上街。他指中方落力為前任保安局局長葉劉淑儀催谷選票，證明今次選舉很重要，一旦陳太落敗，香港整個民主運動會受阻礙，「民主發展就咁停頓，以後冇法起番身。」

他說陳太代表了人民力量，監察政府；葉劉則站在權力一方，一旦葉劉當選，反映香港的是非觀顛倒，「我可能會移民台灣」，（香港）完全冇晒是非，點住呀？」問題是，陳太的確可能落敗，「如果有良知嘅人，連少少時間去投票都唔肯花，陳太肯定輸。」

「民主係唔能夠妥協」

對於陳太被批評有缺點，黎智英認為陳太起碼從來沒有反對過民主，但葉劉在任保安局局長時，多番批評民主，並發表「希特拉都係民主選出嚟」的言論，「係咪改個髮型或化妝，就改變到核心思想？道歉好容易，葉劉話民主真諦係妥協，但民主就係唔能夠妥協，只有政治可以妥協。」外界指他促成陳太參選，黎智英表示：「如果陳太唔想出嚟參選，唔可能因為任何一個人叫佢出嚟，我算老幾？」陳太今次參選，「由一人之下萬人之上，到落街派單張，都係為咗我哋下一代。」